

در سعادته یکی پرسته خانه قاروشونده
 اثره مخصوصه در
 محل اداره:

مراط قلم

۱۳۲۶

انظار:
 سلكمزه موافق آثار جديده مع المنويه قبول اولنور
 درج ايديلين آثار اعاده اولنور

دين، فلسفه، ادبيات، حقوق و علوم دن باحث هفته لق رساله در

در سعادته نسخه سی ۵۰ پاره در

قيريله دن مقوا بورو ايله كوندريليرسه سنوی
 ۲۰ غروش فضله آلنير.

در سعادته پرسته ايله كوندريليرسه ولايات بدلی اخذ اولنور.

مؤسسلى: ابو العلا زين العابدين - ح. اشرف اديب

تاريخ تأسيسی:
 ۱۱ نور ۳۲۴

در سعادته	سنه لکى	القي اياقى
	۶۵	۳۵
ولاياتده	۹۰	۵۰
ممالك اجنبیه ده	۹۰	۵۰ غروشدر

برنجی سنه

۳۲۶ ذی الحجه ۷ پنجشنبه ۱۸ کانون اول ۳۲۴

عدد: ۱۹

بزی جبرنده لکن احترامدن اولور ساکت
بزی کریان ایکن قلباً، لساناً طورماده صامت.
بزی زوجك، بزی حَقك اولوب فرماننه راضی
نشیمین ایله مشلری عمارت بویله بر ارضی.
بو یرده قالمه مأمور ایدی هاجرله اسماعیل
بوفرمانی کتیرمشدی خلیل الله جبرائیل.
تلقی ایله نجه امر حق ذات آگاهی
عیالیه آلوب اولادین اولمشدی هان راهی.
دکلمدی واقف سر سیاحت سیده هاجر
اوچقمشدی یوله آنجق اولوبده پیرو شوهر.
اگرچه تیرزهری قلب ابراهیمی دهلمشدی؛
فراقك، شیمیدی آرتق آن آشناکی کلشدی.
اولور آتشن دل حین فرقت اویله برآندر،
ولو قلب نبی اولسون، اوپیغمبرده انساندر.
اوقلبی یاقامشکن نان برکان منلی نمرودك،
بودفمه یاقدی نار فرقت فرمائی معبودك.
فقط یانمق یاقیلیمقدر دل عشاق ایچون مطلق
خصوصیله قولای برشیعی الله خلیل اولمق؟
براقق چولده اولاد وعیالان کرچه مشکلمدی
تخالف ایتمه سی اوندن بتر بر امر هائلدی.
اطاعت ایله یوب ازجان ودل امر خداونده
براز خرما برازده صو برافندی ام وفرزنده.
اولورکن طاغیرك آردنده خورشید جهان غارب
اوفرقتیر، ر اولدی طهرینه جازه نك را کب.

کورنجه عزم زوجی همسر بیچاره حیرتله
پنددن قوشدی فریاد ایله یوب رقتله، فرقتله
که: ای همخواه مونس! نهدر بو عزم ناهنکام؟
نهدن بو فرقت نا که ظهوره ایله دک اقدام؟
نهدر قصدك بوجوللرده بزی بیكس برافقدن؟
نهدر فکرك بزی قیزغین رمال اوستنده یاققدن؟
دونوب باق آردکه لایقیمی که شام غریبانده
قاله زوجکله اولادك اینن وآه وافغانده؟
پناه اولمش ایکن برامته ای ذات عالیجاه!
شو تغریب وتباعدن عجب راضیمیدر الله؟
سکا لازم ایکن جله عباد الله قول آچق
روای بزکی بیچارکانی ترك ایدوب قاقق؟
بکا رحم ایله منسه کده آبی اولادکه باری!
براقا نجه مرکه اومعصوم لبن خواری!
دکلمدر مسکن نوع نبی آدم شو تنهازار
نه آثار عمارت وار، نه ده برمونس غمخور!
سروتمی شو وادیده بزی ترك ایله مک بویله؟
کیمه ابتدك ودیعه اهلیکی، اولادکی سویله؟
* * *
متانتله نه رتبه اولسه ده مستحکم تسلیم
تحمل ایتمدی آرتق دل اوامه ابراهیم.
زمام اشتی چکدی، دونوب اول همسر پا که
دیدي: صیغماز حکیم مطلقك احکامی ادراکه؛
بوصورتله تلقی ایله دم وحی خداوندی،
بوجایه ترکه مأمورم شو بولده اهل وفرزندی؛

اطاعت ایله امر حق، الله توکل قیل،
بلیه صورتنده جلوه در صیرایت، تحمل قیل،
سزی بیكس برافاز حائی بیچارکان الله
معین بیكساندر حافظ کون و مکان الله.
سزی بن صوق مولایه امانت ایله دم زیر
اماناتی زیان اینز جناب کبریا اضلاع
شو فرقت امر بازیدر نه چاره بن ده منقادم
وداع ای سوکلی زوجهم! سلام ای روح اولادم!

بو سوزشلی وداعی ایله دکدن سوکرا ابراهیم
عزیمت ایتمدی، ساکن قالدی هاجر چولده بالتسلیم.
اولوب لطف جلیل کبریا لکن اوکا غمخور
او ایصسر چولده بر آب مصفا ایله دی اظهار.
براز سوکرا (نبی جرهم) اوجایه کلمدی اکلمدی؛
او تنهازار اولان وادی عمارت بولدی شناندی.
یتیمشدی نجل والازادی اسماعیل عالیشان
قبیله خلقنه اولدی رئیس مفخرت عنوان.
ایدیلدی کعبه انشا، اولدی اسماعیل پیغمبر
تکثر ایله دی نسل، یاییلیدی سو سو، یر یر؛
نهایت کلمدی اول نسل کرینک ماه الفخری
غریق نور توحید وهدایت ایله دی دهری.
مصلاي معلا پایه سی بیت اله اولدی؛
او ایصسر چول دونوب اسلام ایچون برقبه کاه اولدی.
اولور هر امری بارینک نجه حکمتله مظهر
باقك عمران اسلامك اساسی: هجرت هاجر...
ظاهر الموالوی

صدق نبوت محمدیه نك تاریخاً ثبوتی

مابعد وصوک

ایشته بوعالمك بوزوق اعتقادلرینی دوزلته جك بر علم ومرشد،
فاسد اخلاق ومادائی دیکشیدیره جك بر مصطلحه محتاج اولدیغنی انبا ایتك
اوزره قابنه من طرف الله القا اولسان بر علم ضروریدن؛ درعهده
ایده جکی امر عظیم طافتشکننده نصرت الهیه نك کندیسنه معین وظهیر
اوله جفنی، بعید المنال اولان اوامل علونیک حصولنه نهایت قدر خادم
اوله جفنی اشعار ایدن نسیم عنایت رحانیدن؛ پیش و پسند برشمس
نور انور کبی پارلایان، کندیسنی دلیل آرامق احتیاجندن مغنی قیلان
مصباح وحی الهیدن؛ اعوان وانصار، سپاه وسپهسالار مقامنه قائم
اولان وعد صادق سماریدن باشقه برشی دکلمدی. شعوب وقبائل عالمك
کیمی بت پرست، کیمی آتش پرست، کیمی دهری، کیمی مانی، کیمی
یهودی، کیمی نصرانی ایکن هربری دیکرینه بکزه من عوائد واعتقاداته
مألوف وتابع ایکن جله سنی بردن توحیده، تشبیه وتعطیلدن منز اوله رق
تعظیم رب مجیده — کیمسه بی امداد ومعاونتنه چاغیرمادن، کیمسه بی
بو امر عظیمه تشریک ایتمه دن — یالکیز باشنه اویله بر قوت
واطمینان قلب ایله، اویله بر عزم قوی صادق ایله قیام ایتمدی که مهوت
حیرت اولماق ممکن دکل در، ویکدمده دوندی: «اوانانکزی ترك
ایدك. آباء واجدادكزك سزه طانیدیغنی معبودلری آرتق طانیمك»
دیدي. لاهوت ایله ناسوتی بربرینه قاریشدیروب کرداب خسار
ایچنده سراسیمه وککشته قالان مشبهه بی «حق تعالانك منز اولدیغنی

بوتشپیدن، شان الوهیتده ناسزا اسنادادن واز کچیکز» دییه ایقاظ
ایتمدی. نور وظلمتی، خیر وشری برر اله طانیان ثانویه بی «بالجمله
حادثات کونیه بی عالم وجودده بالاسه استقلال متصرف اولان، شریک
ونظیردن متعالی اولان واحد ذوالجلاله اسناد ایدیکز. یکدیگرینی
محو ایتك لازم کلن ایکی مساوی قوت وقدرتک وجودینی اعتقادکبی
برکربوئه بطلانه دوشیمکز» دییه تحذیر ایتمدی. طبیعونه بافندی.
آنلری ده انظار بص یرتلرینی پرده کثیف طبیعتک مادر اسنه طوغیر
سوق واجالهیه، کاشانك مدار قیامی اولان سر وجودی مشاهدیه
تشویق وترغیب ایلدی. بالجله ذوی القولی کندیسنه مخاطب ایتمدی.
بویوک کوچوک ایلری کری نه قدر انسان وارسه هپسك خالق ارض
وسماوات وقابض ارواح مخلوقات اولان اذات اجل واعلانك قبضه
قدرت وجبروتنده یکسان اولارق سربخاک عجز ومسکنت اولدقلرینی
اعلان وانسانلرک یکدیگرلرینه اولان رجحان حقیقیلری یعنی نزد الهیده کی
فضل ومرتیلری تقوی وطاعتلرینه کوره اولدیغنی صراحة بیان خالق
ایله مخلوق آراسنه کیرمك، وسیله شفاعت اولمق کبی فضولی بر
خدمتی کندیلککلرندن درعهده ایدن رؤسای روحانیه نك بو خودکامانه
انتحالی غیر قابل اولدیغنی، اک بویوک بر رئیس روحانیک عندالله همی
پیرو لرینك اک کوچوکلرندن فرقتسز بولندیغنی مهبط وحی خدا اولمش
بر قلب سلیمک بخش ایلدیکی بر قوت مقنعانه ایله ایضاح وتبیین ایدیرك
بورؤسایه اعلاي مناصب ربانیدلرندن ادنای مراتب عبودیتده اینلرینی؛
برالمه دن، بر معبوددن استعانه خصوصنده رؤسك رؤسه اشتراك الهیسی
وخالفه نسبه بر درکه عجز وافتقارده بولنان بالجله افراد انسانیه بیننده کی

فرق و تفاوت علم و فضیلتند تقوی و طاعتند عبارت در اعتقادینک وجدان پا که نقش ایدلسنی تکلیف ایتدی . مقلدلی کوره نکلیینه اسیر اولانلری روحلرینی تکنای مذلندن تخلیصه والارینی آیقلرینی باغلايان سعادتلرینه سد چکن اغلال خرافاتی چوزمکه ارشاد ایتدی . کتب سماویه بی مطالعه و معانیسنی ادراک ایله ، اوکتب مقدسه نک محتوی اولدینی شرایع الهیه بی محافظه ایله مکلف ایکن کال غباوتلرندن یاکنز الفاظ و حروفی بالله مکله اکتفا ایدوب روح و معنایرینه نفوذ ایتک ایسته مین مأمورین روحانیه بی اقامه ایلدیکی براهین مسکته ایله نبکیت ایلدی . آمال و مقاصد نفسانیه لرینه اتباعاً اوکتابلری تحریف ایدنلری ، الفاظلرینه ایستکلری شکل و معنایی ویرنلری تقریبات و تویجات شیده ایله تحقیر ایتدی . الحاصل بوتون خلقی وحی الهی بی اکلامغه ، سر علیه تحقق ایتکه دعوت ایلدی . هر انسا نه ذاتنده مودوع اولان مواهب فطریه بی حسن استعمال ایتمک یولنی کوسرتدی . هر کس کندینی بیلکه ، طایفه و عقل و فکر واراده کی خصائص جلیله ایله ممتاز بر مخلوق شریف اولدینی ادراک ایدوب بو خصائص مجله نک مقضیاتیه حامل اولمغه تشویق ایلدی . عالم کون و فساد ای انسانه مسخر قیلان او حکیم مطلق انسانه موجوداتک هانکیلرندن انتفاع ایده یلورسه آنلری مباح قیلوب بوانتفاعی اعتدالندن ، حدود شریعتندن ، قیود فضیلتندن باشقه بر مانع تحدید ایلدیکی افهام ایتدی . خلق عقل و فکر لرینک اعانه سیله معرفت خالقه واصل اولمغه اقدار و اعز مقاصد و مطالب اولی ، جهانلر دکن بومعرفتی اکتساب ایچون ده خاصه وحی ایله ممتاز اولان صاحب معجزاتندن باشقه وساطتی انحال مبطالنه اولمق اوزره اورته دن قالدیرمق نیدن باشقه سینه اتباعندن منع ایلدی . نبییه ایمان ایچون ده عینیه تصدیق وجود باری کی دلیل قوی و جلییه استناد ایدلسنی امر ایلدی . وساطت انبیایه احتیاج ایسه درکاردر . زیرا وجود باری بی تصدیق ایچون بعثت انبیایه حاجت اولمسه ده بیلنسی مطلوب الهی اولان صفات الهیه بی بیلک ایچون ، شان الوهیه الک زیاده لایق اولان عبادتی اوکرمک ایچون مصالح دنیویه مزنی تسویه و اداره خصوصنده انظارمنه خفی قالان قوانین و قواعد دقیقه کسب وقوف ایتک ایچون محض لطف سبحانی اوله رق بعثت انبیایه احتیاج اولدینی عقلنر انکار ایتمز . انسانه ، روح ایله جسمندن یکدیگریله مترج ایکی عالم منخالفندن مرکب اولدینی و هر ایکی عالمه خدمت و هر ایکی جزء وجودینی دائرة حکمتندن انحراف ایتیه رک ما خلق لهرنده استخدام ایتمکه مکلف اولدینی اوکرتدی . بوتون خلقده اوتنه کی عالمه ملاقی اوله جقلری احوال و احواله قارشو ده بو عالمه یکن حاضر لانه دعوت ایتدی . اک خیرلی عملک عباداتده خالقه او معاملانده عدل و داد و نصیحت و ارشاد عباد شکلنده اولمق اوزره مخاوقه اخلاصندن عبارت اولدینی تبیین ایتدی . بر قومک ، بر صنفک دکل بوتون نوع بشرک دنیا ده راحق ، عقبا ده سلامت و سعادت ایچون بالجمله قوای ماده و معنویه سنی توسیع و مزیت نوعیه و علویت اضافیه سنی اعلا ایچون هر نه لازم ایسه جله سنی تعلیمدن کری طورمدی . هر

کسک حالی الفت ایتدیکنه خسران دنیا و حرمان عبا دخی اولسه محبت ، بیلدیکی شیئه موجب غر و سیادت و منتهای مراتب سعادت ده اولسه عداوت ایتک اولدینی حالده ماده هیچ بر قوت و قدرتی یوق ایکن ولوله عالمگیری بوتون خلق جهانی آیاقلاندیرمق شانندن اولان بویه بویوک دعوتیه یالکز باشنه قالقیشمق عقلره حقیقه طور غونلق ویرر . بر یوزنده کی اعتقادات و اعتیاداتک کافه سینه بردن اعلان حرب دیعک اولان بو دعوایه قیام ایتدیکی زمان هر کسندن اول مهد هدایت و مرکز دائرة سعادت اولمق لازم کلیر . کندی قومی تصدیق ایده جک ایکن بونشر خدا پسندنیه اک زیاده مانع اولان آنلر اولدی . مشرکین عرب کندی نفسلرینک دشمنی ، شهوتلرینک اسیری اولدقلرندن اودعوت مهمه نک متضمن اولدینی حقایقه یناشمق ایسته میورلردی . عواملری خواصلرینک آغزیننه باقار . اراده لرینی آنلرک اراده سینه تابع قیلارلردی . خواصلرینک عقلی ایسه غشای عز و غرور ایله محجوب اولدیفندن اولیه بر فقیر امینک سوزینی دیکلمه کی عظمتلرینه بر درلو یدیره میورلردی . زخارف دنیا دن اوقر بی نصیب اولان بر ذاتنه کندیلرینه نصیحت و یرمک ، حائز اولدقلری مقامات رفیمیه ترضله لوم و تعنیف ایتک ایچون بر مزیت حقیقه کور میورلردی . لکن او رسول امی اونجی قرشی او فقر وضعی ایله او عجز ظاهرینی ایله برابر ینه سهام دلائلی یاغدیورور ، برهان جلینک فیضی سبحانندن صاعقه لر ایندیر یوردی . کاه زجر و توبخ ایله ، کاه رفق و نصیحتله ، کاه جالب دقت شیلرله ، موجب عبرت سوزلرله انظارانتباهلرینی اعلا اید یوردی . کویا که اتباعنه قارشو جبار ، حکمنده قهار ، بونکله برابر هر امر ونهینده حکمتشمار کورون بر سلطان دامکر یاخود اولادینی تربیه ده ماهر ، مصالح دنیویه و اخرویه لرینی تسویه قادر ، سرت اولدینی قدر مرحمتی بر پدر ایدی . اوضف ایچنده کی اوقوت ، او عجز ایچنده کی اومکنت ، او امیک ایچنده کی او علم و حکمت ، او محیط جاهلیت ایچنده کی اوسداد و فضیلت نه ایدی ؟ ایشته بونلر هپ جبروت اعلادن هبوط ایدن ندادن آسمان اقدسندن نزول عنایت علیادن ، کندینه اوقلب نایداری مقرر ایدن وحی جلیل خدادن باشقه برشی دکلدی . او خطاب هر شیئی علم و رحمتیه محیط اولان قادر قیومک خطاب عزتی ایدی . بواصر قولقلری تنبیه ایدن ، جهالت جهالترینی بیرتان ، غفلت پرده لرینی پاره لیان ، قلبلرک صمیمه کیرن امرافند الهی ایدی که بواصر و خطابیه ده رسولنک صحت رسالتنه اک قوی برهانی اقامه ایتک ، عبد صادق یالانجیاق تهمتندن بری قلیق ایچون بویه معناد اولمیان بر خصیصه جلیله ایله ممتاز ایلدیکی بر عبد امینک لسانی ایله آنک نطق دلشکاریله تبلیغ ایلدی . حقیقت ! اثبات نبوته ده واضح دلیل آرازیری ؟ برای چیقسون ده کاتبلری او قودقلرینی ، یازدقلرینی اکلامغه دعوت ایتسون . مدارس علمه اصلا بنشامش بری کلسون ده علمیه بیلدکلرینی ثواب جهل و غباوتندن تصفیه ایتک دبه چیقیشسون . منابع عرفانک سمتنه او غرامامش بر کیسه عرفانی ارشاد ایتسون . ارباب اوهام ایچندن یتیشمش بر کیسه حکمانک سقطاتی بولسون ده آنلری طوغرو یوله

وامرت لاعدل بينكم الله ربنا وربكم لنا اعمالا ولكم اعمالكم لاجة بيننا وبينكم الله بجمع بيننا واليه المصير [ديدى. ايشته اورسول كريم جميع انبياء ومرسلينه وجميع كتب الهيه ايمان ايتمكلكمزى امر ايتدى. وبونى دينك قاعده سى، ايمانك عمده سى قيلدى. صورك خيوك كليسى بزه امر وشرك كليسندين بزي نهى ايتدى. وناموس اخلاقى بزه تشريع ايدوب طريق كالاتى بزه تعريف ايتدى. وبزدن نزعة حقد وتعصب ذمى ايلدى. صلى الله عليه وسلم.

ايمدى بو ديندن باشقه هانكى بر دين دركه - اديان حقنده كثر شكوك واقع اولان بو عصرده - اكا اتباع وآنكله عمل ممكن اولسون. وبو ديندن باشقه هانكى دين دركه آنده علم لاهوت اشراق ايتسونده اصحاب ملك حق تعالى حقنده جهالا وافكار وظنون سابقينه تقليدا ايراد ايتكلى اساطير وخرافاته عدو اولسون. الحمد لله على دين الاسلام. مقاله مزده ژاپونيه كى اديان قونغرهنه ايراد وشارت ايلديكمز شيلرك مجموعنه بر علاوه موجزه ومفيده اولمق اوزره بر طاقم نقاط مهمه يده درميان ايله مشدك. نقاط مذكوره ايله نقطه لر دركه قلوبى عالم اسلامه بر توجيه اضطرارى ايله توجيه ايدر وبالاخصه نظر رغبتى استجلاب ايلر. ايشته مقاله مزده ديمش ايدك كه :

اولا - اسلام وحى الهى ايله اولان اديانك آخرى در. بو اعتباره كوره دين اسلامك ديانات سائرهم اولان وجوه امتيازى ظاهر وباهر در. زيرا هر شيك اخيرى ماتقدمده اولميان وجوه امتياز وكالى حائز اولدينى دركار در.

ثانياً - قرآن مبينده صراحت وارد دركه رسول اسلام حضرت محمد عليه السلام مرسلينك آخرى وانبيانك خاتمى در وكافه ناسه ارسال بيورلمش در. قال تعالى [ما كان محمد ابا احد من رجالكم ولكن رسول الله وخاتم النبيين] وقال تعالى [وما ارسلناك الا كافة للناس بشيرا ونذيرا] حال بوكه كتب منزله سائردهن والآن بينفزه بولنان اديان موجوده دن هيچ برى بويه بر صراحتى جامع دكل در. بودانك كتابى آنجق براهمه دينك اصلاحى ايچون ارسال اولندينى بيان ايدىور. كتاب موسى بنى اسرائيله ارسال اولندينى تصريح ايلدىور. وكذا كتاب عيسى دخی بنى اسرائيله كوندردليكنى كوسترمكه در. وايشته دين اسلامه وبنای اسلامه رغبت والتفات نظرك ايجاب ايتديكى وآنى اديان سائرهم ميانده ممتاز ايلديكى شيك بريسى ده بو صراحت كامله سى در. ثالثاً - وقتا كه اسلام بردين عمومى اولديسه خالق تعالى وتقديس حضرتلرينك شرع شريفى شعوب وقبائلك ابيض واصفر واحمر واحودينى ربط ايچون امتيازات اجناس وعناصرى محو وعصيت قوميه يرفع ايتدى وبين الاسلام مساوات كامله عموميه نك مبدأى تقرير وانسانلرك عمومى عالمه واحده دن عبارت اولوب بابالرينك آدم ، آنالرينك حوا عليهم السلام اولدينى تصريح ايلدى. وانسانيتك شعوب وقبائلدن مركب اولمى منازعه ومقاتله ايچون دكل تعارف وتبادل منافع ايچون اولدينى بزره بيلدىردى. نتكيم جناب واجب الوجود نوع انسانينك عموميه خطاباً [ياايها الناس انا خلقناكم من ذكر واثى وجعلناكم

سوق ايتسون. سادكى طبيعته اك يافين اولان ، نظام خلقتى ، قوانين كونه يي ادراكدن اك اوزاق قالان قبائل آراسنده غربى قالمش بر ذات بوتون نوع بشر ايچون اصول وقواعد شريفى وضع وتعين ايتسون. سعاده اويله شراهر آچسون كه سالكلى تهلكه خسراندن قورتولسون ، تاركلى ايسه طريق نجاتى اصلا بوله مسون. ندر او علوى خطابلر ! نه در اومسكت جواب !

انسانك ماهيتى ، حقيقى عقللى طورديران اودات عالى صفاتك بو حالرينه نظر عبرتله باقمه [ما هذا بشرا ان هذا الالهك كريم] ديه جكى كاور. لكن خير بز بونى سويليز. آنى دائرة بشريتدن خارج طوماقله برابر صنف ملائكتدن معدود اولمقنده منز و تعالى عد ايدىور. بز [انما انا بشر مثلكم يوحى الى] آيت كريمه سنى شان عالىسنه اك مكمل تعريف اولمق اوزره طائيز. او محبوب خدا ، اوزبده كمل اصفا بالجه انبياي تصديق ايتش برنجى در. لكن كندى نبوت ورسالتى حقنده دليل مقنع اولمق اوزره كوزلى قاشديره جق ، حواس ومشاعرى تدهيش ايدى جك خوارق كوسترمدى. هر قوت انسانيه مختص لهى اولان ايشى ياديرمى تكليف ايتديكى صرهده عقل انسانى يده خطاب الهى يي تقله مأمور ايتدى. خطاي صوابدن تميز ايتك وظيفه سنى اكا تحمیل ايلدى. كمال حجت وبرهانى كلامك قوتنه ، بلاغتك قهر وغلبه سنه دليلك صحتنه توديع ايتدى. آيات بينات الهيه يي ايشته مدارك عقوله اك قريب اولان بو صورت واضحه ده اثبات ايلدى [وانه لكتاب عزيز لا ياتيه الباطل من بين يديه ولا من خلفه تنزيل من حكيم حميد].

احمد نعيم

سفیر الاسلام الى سائر الاقوام

مقاله مجعوث غمامن شو حده بالغ ورسیده اولمى اوزرينه ينه سوزمزه دوام ايدرك ديدك كه : - ايشته اورسول كريم دركه جناب حق آنى رحمة للعالمين اولمق ارسال بيورمش وتاريخ حيات شريفه سنك ابتداءندن صوكنه قدر زهد وعبادت وتواضع ومكرمتله وزخارف دنيا دن بعد ومجانبته گذران اولمى كنديلرينك مجعوث بالحق مرسلين عظامدن اولدقرينه قطميا وواضحاً دالات ايلين ذات عالىقدر بزه كلش وطرف اقدس الهيدن [ياايها الناس قد جاءكم برهان من ربكم وانزلنا اليكم نوراً مبيناً فاما الذين آمنوا بالله واعتصموا به فسيدخلهم فى رحمة منه وفضل ويهديهم اليه صراطاً مستقيماً] آيات بيناتيله رهبرى طريق هدايت وسعادت اولمش در. ايشته اورسول كلى وحى الهى ايله بزه [شرع لكم من الدين ما وصى به نوحاً والذى اوحينا اليك وما وصينا به ابراهيم وموسى وعيسى ان اقيموا الدين ولا تتفرقوا فيه كبر على المشركين ماتدعوه اليه الله يجتبي اليه من يشاء ويهدى اليه من ينيب وماتفرقوا الا من بعد ما جاءهم العلم بغيا بينهم ولولا كلمة سبقت من ربك الى اجل مسمى لفضى بينهم وان الذين اورثوا الكتاب من بعدهم لفي شك منه مريب فلذلك فادع واستقم كما امرت وقل آمنت بما انزل الله من كتاب